

Regio.
Nomina unde
deducta.

Situs.

Cœli temperies
& soli fertilitas.

Imperium majo-
rum.

1110
secul
Migne & Sant.

HActenus in genere Hispaniam descripsimus; nunc postulat Methodus, ut speciarim & per partes eam perambulemus. Varie a variis fuisse divisam in generali descriptione diximus. Nos vero Partium Hispaniæ, quo ordine methodoque ab Hondio delineantur, descriptionem, quam poterimus fidelissimè, proponemus. Eam sex Tabulis absolvit, hoc ordine. In prima describitur *Portugallia*, in secunda *Biscaia*, *Guipuscoa* & *Legio*. In tertia *Castella Vetus* & *Nova*. In quarta *Andalusia*, ubi & *Conventus Hispalensis* & *Gades*. In quinta *Valentia*. In sexta *Aragonia* & *Catalonia*. *Portugalliam*, quæ primo loco se offert, *Lusitaniam* Veteres dixerunt. *Lusitania* autem Ptol. & aliis, quæ Appiano *Lisitania*, nomen impositum tradunt M. Varro & Plin. ab *Luso* Liberi filio, *Lysaque* cum eo bacchante: *Lusitaniam* enim dici, tanquam *Lusi* regionem. Marcianus putat *Lusitaniam* appellari ab fluvio cognomine, qui nunc forte *Tagus*. *Portugalliam* quidam sic nuncupatam volunt a *Portu Gallorum*. Andreas Resendius, cuius sententiam sequuntur alii docti, *Portugallia* appellationem manasse notat a *Portu Cale*. Cæterum *Portugallia* hodie, si terræ latitudinem ab Meridie Septentrionem versus spectemus, major est quam *Vetus Lusitania*; sin ab Occasu in Ortum, longitudinem, minor. *Portugallia* vero hoc ævo versus Boream excurrit supra Confluentes Minium Aviamque ad Opidum usque *Ribadaniam*, in Avia ripa positum: qua parte *Galaciam* spectat: ductaque hinc in ortum Linea ad *Mirandam* usque ad *Durium* collocatam: inde vero Meridiem versus recto ferè progressu facto ad ostia *Ana* fluvii, quo latere *Castellæ*, *Extremaduræ* & *Andaluziæ* est confinalis: ad Notum & Occidentem Atlanticum respicit Oceanum, adeo ut ambitus ejus censeatur esse 10 cccxxc milliarius, Optima in hac regione Aëris temperies, ac Cœli serenitate atque ubertate præstat. Abundat Vino, Oleo, Malis aureis, Citreis, Amygdalis, Melle, Cera. Ac fructus quos hæc regio producit bonitate antecellunt fere omnibus qui in locis finitimis nascuntur. Et quamvis Incolæ non tantum Frumenti ex agris suis colligant, ut ipsis ad victum sufficiat: tamen ex Gallia & Germania quantum opus habent, advehitur. Plurima alit hæc regio Animalia, Equos in primis magno numero, tantæ velocitatis agilitatisque, ut vento conceptos fabularetur, imo crederet Antiquitas. *Portugallia Regnum* primū circa annum c10c initium habuit. Ad id enim usque tempus sub Hispaniæ nomine censebatur. Primum Regum *Lusitanorum* Progenitorem Fasti commemorant *Henricum* Ducem *Lotharingiæ*, Comitem *Limburgium*, virum animo magnum manuque promptum: qui Laribus in Hispaniam translatis, *Tyresiam* duxit *Alphonfi* vi *Castellæ* Legionisque Regis Filiam, accepta in dotem ea *Galaciæ* *Lusitaniæ*que parte, quæ nunc *Portugallia*: quam non ita pridem ipse sua virtute ex *Saracenorum* & *Maurorum* servitute vindicerat. Defuncto circa annū c10c xxi Patri successit *Alphonfus* i, qui *Portugallia* se Ducem appellans, Regis titulum ab exercitu accepit anno c10c cxxxix, victoriam consequutus in Agro *Orichiensi* contra *Ismarium*, & alios quatuor *Saracenorum* *Maurorum*que Reges: quinque Scutorum insignia facti monumentum posteris relinquens. Successerunt huic recta fere linea *Sanctius*, *Alphonfus* ii, *Sanctius* ii, *Alphonfus* iii, *Dionysius*, qui primus *Algarbiorum* Regis Titulū usurpare cepit, *Alphonfus*